

ՀԱՅՏԱՐԱՐՈՒԹՅՈՒՆ
հրավերի պարզաբանման մասին

Հայտարարության սույն տեքստը հաստատված է գնահատող հանձնաժողովի
2020 թվականի **ապրիլի 09-ի** թիվ **2** որոշմամբ և հրապարակվում է
“Գնումների մասին” ՀՀ օրենքի 29-րդ հոդվածի համաձայն

Ընթացակարգի ծածկագիրը <<**ԳՀԱՊՁԲ-2020/16-13-ԵՊԲՀ**>>

«Երևանի Մխիթար Հերացու անվան պետական բժշկական համալսարան» հիմնադրամի կարիքների համար բժշկական նշանակության ապրանքների և բժշկական գործիքների ձեռքբերման նպատակով կազմակերպված <<**ԳՀԱՊՁԲ-2020/16-13-ԵՊԲՀ**>> ծածկագրով գնման ընթացակարգի գնահատող հանձնաժողովը ստորև ներկայացնում է նույն ծածկագրով հրավերի վերաբերյալ 2020 թվականի ապրիլի 09-ին ստացված հարցադրումները և դրանց վերաբերյալ 2020 թվականի ապրիլի 09-ին տրամադրված պարզաբանումները՝

Հարցադրում N 1: Համաձայն «Երևանի Մխիթար Հերացու անվան պետական բժշկական համալսարան» հիմնադրամի կարիքների համար բժշկական նշանակության ապրանքների և բժշկական գործիքների ձեռքբերման նպատակով հայտարարված ԳՀԱՊՁԲ-2020/16-13-ԵՊԲՀ ծածկագրով գնանշման հարցման հրավերի պարզաբանման և հրավերում փոփոխություններ կատարելու կարգի՝ խնդրում ենք տրամադրել պարզաբանում հրավերի թիվ 20;21;22;23;24; չափաբաժիններով նախատեսված ապրանքների տեխնիկական բնութագրերում ներառված հետևյալ պահանջի վերաբերյալ :

Մասնավորապես հրավերով պահանջված է՝

Մասնակիցը հայտով ներկայացնում է ապրանքն արտադրողից կամ վերջինիս ներկայացուցչից տվյալ ապրանքի վաճառքի թույլտվությունը հավաստող՝ ավտորիզացիոն նամակ, իսկ պայմանագրի կատարման փուլում ապրանքն արտադրողից կամ վերջինիս ներկայացուցչից երաշխիքային նամակ:

Տվյալ դեպքում վաճառքի թույլտվությունը հավաստող ավտորիզացիոն նամակի պահանջը իրավական և բովանդակային առումով անհասկանալի է՝ գնման ենթակա ապրանքի վաճառքի ՀՀ-ում հատուկ սահմանափակումների բացակայության պայմաններում և ըստ էության հանգեցնում է գնման գործընթացում չհիմնավորված խոչընդոտների առաջացմանը և Գնումներ մասին ՀՀ օրենքի 13-րդ հոդվածի 2-րդ մասի հետևյալ դրույթների խախտմանը, ըստ որի՝ Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը:

Ինչ վերաբերվում է պայմանագրի կատարման փուլում ապրանքն արտադրողից կամ վերջինիս ներկայացուցչից երաշխիքային նամակ-ի պահանջին, ապա ՀՀ Կառավարության 2017 թվականի 4 մայիսի N 526-Ն որոշման V-րդ մասի 21-րդ կետի

1-ի ա կետով նախատեսվում է պայմանագրի կատարման փուլում ապրանքն արտադրողից կամ վերջինիս ներկայացուցչից երաշխիքային նամակ, եթե եթե դրանք կիրառելի են տվյալ ապրանքի համար: Ուստի խնդրում ենք տրամադրել իրավական հիմնավորում սույն հրավերի 20;21;22;23;24; չափաբաժիններով նախատեսված ապրանքների պարագայում այդ դրույթի կիրառելի լինելու փաստարկի վերաբերյալ:

Հաշվի առնելով ներկայացված հարցադրումները՝ խնդրում ենք տրամադրել պարզաբանում՝

ԳՀԱՊՁԲ-2020/16-13-ԵՊԲՀ ծածկագրով գնանշման հարցման հրավերի թիվ 20;21;22;23;24; չափաբաժիններով նախատեսված ապրանքների տեխնիկական բնութագրերում ներառված վերոնշյալ պահանջի վերաբերյալ:

Առաջնորդվելով ՀՀ Գնումների մասին օրենքի 3-րդ հոդվածով սահմանված գնումների հիմնարար սկզբունքներով՝ մասնավորապես ելնելով մրցակցության ապահովման և խտրականության բացառման պահանջների տեսակետից՝ առաջարկում ենք հիմնավոր պարզաբանման բացակայության դեպքում հրավերում կատարել համապատասխան փոփոխություններ:

***Նկատառում՝ Ձեր կողմից վերոնշյալ ապրանքների ձեռք բերման այլ հրավերներում, որոնք վստահաբար չեն արվել օրենքի խախտմամբ, չի նշվել այդպիսի պահանջ::

Պարզաբանում N 1: Երևանի Մխիթար Հերացու անվան պետական բժշկական համալսարան» հիմնադրամի կողմից հրապարակված ԳՀԱՊՁԲ-2020/16-13-ԵՊԲՀ ծածկագրով գնանշման հարցման ընթացակարգի հրավերի 20-24-րդ չափաբաժիններով սահմանված գնման առարկաները հանդիսանում են **մարդու սրտի վիրահատության համար անհրաժեշտ դեղապատ ստենտեր:**

«Գնումների մասին» ՀՀ օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված

խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվափոխիչական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

ՀՀ կառավարության կողմից թիվ 526-Ն որոշմամբ հաստատված գնումների գործընթացի կազմակերպման կարգի 22-րդ կետի համաձայն՝

Գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ:

ՀՀ կառավարության կողմից թիվ 526-Ն որոշմամբ հաստատված գնումների գործընթացի կազմակերպման կարգի 21-րդ կետի 1-ին ենթակետի ա/ պարբերության համաձայն՝

Եթե գնման գործընթացների կազմակերպման ժամանակացույցով այլ ժամկետ նախատեսված չէ, ապա գնման պահանջի ծագման օրվան հաջորդող քսան աշխատանքային օրվա ընթացքում պատասխանատու ստորաբաժանումը՝

1) կազմում և հաստատում է գնման հայտը, որը ներառում է՝

ա. գնման առարկայի բնութագրերը: Ապրանքների գնման դեպքում նշվում է նաև մասնակցի կողմից առաջարկվող ապրանքային նշանի, ֆիրմային անվանման, մակնիշի և արտադրողի վերաբերյալ տեղեկատվության ներկայացման անհրաժեշտությունը, իսկ պայմանագրի կատարման փուլում ապրանքն արտադրողից կամ վերջինիս ներկայացուցչից երաշխիքային նամակի կամ

համապատասխանության սերտիֆիկատի ներկայացման անհրաժեշտությունը, եթե դրանք կիրառելի են փվյալ ապրանքի համար:

ԳՀԱՊՁԲ-2020/16-13-ԵՊԲՀ ծածկագրով գնանշման հարցման ընթացակարգի հրավերի 20-24-րդ չափաբաժիններով սահմանված գնման առարկաների տեխնիկական բնութագրերը կազմված են վերոնշյալ իրավական հղումներին համապատասխան և հակառակը հիմնավորող փաստարկ պարզաբանում պահանջող մասնակցի կողմից ներկայացված չէ: 20-24-րդ չափաբաժիններով սահմանված գնման առարկաների տեխնիկական բնութագրերին բավարարում են մեկից ավելի հնարավոր մասնակիցներ և արտադրողներ և հակառակը հիմնավորող փաստարկ պարզաբանում պահանջող մասնակցի կողմից ներկայացված չէ : Ինչպես նշվել է պարզաբանման սկզբում, գնման առարկա են հանդիսանում **մարդու սրտի վիրահատության համար անհրաժեշտ դեղապատ ստենտերը:** Կախված գնման առարկայի առնձնահատկությունից և կերևորությունից, յուրաքանչյուր Պատվիրատու ինքն է որոշում իր լիազորությունների կատարման համար անհրաժեշտ ապրանքների ձեռքբերման պայմանները՝ որակը, ստանդարտը, անվտանգությունը, տերմինաբանությունը, փաթեթավորումը և այլ անհրաժեշտ չափորոշիչները, պահպանելով գնումների օրենսդրության համապատասխան պահանջները:

Դեղապատ ստենտերի արտադրողների կամ վերջինիս ներկայացուցիչների կողմից երաշխիքային նամակի տրամադրման պահանջը՝ գնումների օրենսդրության պահանջ է: Նշված պահանջի նպատակն է ապահովել Պատվիրատուին՝ ելնելով գնման առարկայի՝ տվյալ դեպքում՝ դեղապատ ստենտի առնձնահատկությունից, որակի և անվտանգության առումով չերաշխավորված ապրանքների ձեռքբերման առաջացման ռիսկից: Պատվիրատուների մոտ արձանագրվում են դեպքեր, երբ վաճառողների կողմից մատակարարված և տվյալ ստենտերի արտադրողների կողմից չերաշխավորված ստենտերի կիրառման ընթացքում առաջանում են անդառնակի դեպքեր կապված ստենտի որակի և անվտանգության հետ: Նման դեպքերում պատվիրատուները զրկվում են իրենց հետագա շահերը պաշտպանելու հնարավորությունից, իսկ դեղապատ ստենտերի արտադրողների կողմից չեն արձանագրվում անորակ և վտանգավոր ստենտի առկայության փաստը և այդ ուղղությամբ համապատասխան քայլեր ձեռնարկելու պահանջը:

Տվյալ դեպքում յուրաքանչյուր տեսակի դեղապատ ստենտի արտադրողի կամ վերջինիս ներկայացուցչի կողմից երաշխիքային նամակի պահանջը չի կարող խոչընդոտ կամ մրցակցության սահմանափակում հանդիսանալ հնարավոր մասնակիցների համար, քանի որ վերջիններս կամ հանդիսանում են տեխնիկական բնութագրով սահմանված դեղապատ ստենտերին համապատասխանող ստենտերի արտադրողների ներկայացուցիչներ, կամ ձեռք են բերում համապատասխան դեղապատ ստենտերը արտադրողներից առանց ներկայացուցչի լինելու պահանջի: Ցանկացած դեղապատ ստենտի արտադրողի կողմից նրա ներկայացուցչին կամ ուղիղ վաճառք իրականացնողին հեշտությամբ տրամադրվում են թե ավտորիզացիոն և թե երաշխիքային նամակները: ԳՀԱՊՁԲ-2020/16-13-ԵՊԲՀ ծածկագրով գնանշման հարցման ընթացակարգի հրավերի 20-24-րդ չափաբաժիններով սահմանված գնման առարկաների տեխնիկական բնութագրերով սահմանված է որ պահանջվող նամակները բացի արտադրողներից կարող են տրամադրվել նաև արտադրողների ներկայացուցիչների կողմից: Սրանով իսկ բացառվել են մրացակցության անհավասար պայմանները և մրցակցության համար չհիմնավորված խոչընդոտների առաջացումը, բացի այդ ապահովված են դեղապատ ստենտերի որակի, անվտանգության, կարիքին համարժեք լինելու և խնդիրներ առաջանալու դեպքում արտադրողից համապատասխան հատուցում պահանջելու պայմանները:

Եթե Ձեր կողմից ներկայացվի իրավական հիմնավորում այն մասին, որ ՀՀ կառավարության կողմից թիվ 526-Ն որոշմամբ հաստատված գնումների գործընթացի կազմակերպման կարգի 21-րդ կետի 1-ին ենթակետի ա/ պարբերությամբ սահմանված՝ արտադրողից կամ վերջինիս ներկայացուցչից երաշխիքային նամակի պահանջը կիրառելի չէ դեղապատ ստենտերի համար, հրավերում կարող են կատարվել համապատասխան փոփոխություններ:

****Նկատարում՝ Շուկայում հայտնվել են անձինք, որոնք ներմուծում են դեղապատ ստենտեր, որոնք երաշխավորված չեն արտադրողի կամ վերջինիս ներկայացուցիչների կողմից, նման դեղապատ ստենտերի օգտագործումը կարող է հանգեցնել անդառնալի հետևանքների:*

<<ԳՀԱՊՁԲ-2020/16-13-ԵՊԲՀ>> ծածկագրով գնահատող հանձնաժողովի քարտուղար Միքայել Ղարիբյանին:

Հեռախոս՝ 060-621-000 (438) Էլեկտրոնային փոստ՝ **marketing.ysmu8@gmail.com**:

ԳՀԱՊՁԲ-2020/16-13-ԵՊԲՀ ծածկագրով գնման ընթացակարգի գնահատող հանձնաժողով՝

Հանձնաժողովի նախագահ՝



(ստորագրությունը)


Հանձնաժողովի անդամներ՝



(ստորագրությունը)



(ստորագրությունը)



(ստորագրությունը)

Լ. Դանիելյան

Ա. Պետրոսյան

Ա. Հակոբյան

Հ. Սարգսյան